

Forskrift om gebyr for sakshandsaming og tilsyn etter regelverket for forureining, Høyanger kommune, Vestland

Kap. 1. Generelle forhold

§ 1-1. Generelt verkeområde

Forskrifta omfattar gebyr for sakshandsaming og tilsyn der kommunen er myndigheit etter forureiningsforskrifta

- kapittel 2 om opprydding i ureina grunn ved bygge- og gravearbeid,
- kapittel 12 om utslepp av sanitært avløpsvatn frå bustader, hytter og liknande,
- kapittel 13 om utslepp av kommunalt avløpsvatn frå mindre tettbygde område, og
- kapittel 15 om utslepp av oljehaldig avløpsvatn.

Forskrifta omfattar også gebyr for kontrolltiltak som kommunen set i verk for å sikre at forureiningslova eller vedtak i medhald av lova blir følgd.

§ 1-2. Definisjonar

I denne forskrifta tyder:

a. Avløpsanlegg: Anlegg for handtering av avløpsvatn som består av ein eller fleire av hovudkomponentane avløpsnett, reinseanlegg og utsleppsanordning. Dette inkluderer slamavskiljarar og tette tankar.

b. Avløpsvatn: Sanitært avløpsvatn er i hovudsak avløpsvatn frå menneska sitt stoffskifte og frå hushald, inkludert avløpsvatn frå vaskerom, kjøkken, bad eller liknande. Oljehaldig avløpsvatn er spillvatn og overvatn som inneheld motorolje, smørefett, parafin, white-spirit, bensin og liknande. I dette ligg også spillvatn frå vask og avfetting av køyretøy, motorvask og liknande.

c. Tilsyn: Det samla arbeidet som kommunen har med kontroll med at reglane og vedtak fatta i medhald av kapittel 12, 13 og 15 blir følgd, inkludert dokument- og systemkontroll, stadlege tilsyn og nødvendige reaksjonar i form av varsling og pålegg.

§ 1-3. Generelt om gebyra

Gebyrsatsane blir årleg fastsett av kommunestyret og trer i kraft frå det tidspunktet kommunestyret bestemmer.

Gebyra er tvangsgrunnlag for utlegg, jf. forureiningslova § 52a.

Kommunen kan i særlege tilhøve fråfalle krav om gebyr eller redusere gebyret dersom det i enkeltsaker vil vere urimeleg høgt.

Kommunen kan krevje særskilt gebyr viss tilsynspersonell etter varsel og ved oppmøte til fastsett tid ikkje kan gjennomføre tilsynet, fordi eigar ikkje har vore til stades og/eller ikkje har lagt forholda til rette for tilkomst.

§ 1-4. Klage

Enkeltvedtak med heimel i denne forskrifta kan klagast på etter reglane i forvaltningslova. Klagen vert handsama av kommunedirektør. Gebyr må betalast innan forfallsdato sjølv om gebyrvedtaket er påklaga. Det er ikkje høve til å klage på reglane i denne forskrifta eller gebyrsatsane fastsett med heimel i forskrifta.

[Kap. 2. Gebyr for sakshandsaming og tilsyn med opprydding i forureina grunn ved bygge- og gravearbeid](#)

§ 2-1. Verkeområde

Kapittelet gjeld gebyr for kommunen si sakshandsaming og tilsyn med opprydding i forureina grunn ved bygge- og gravearbeid.

§ 2-2. Eingongsgebyr

Tiltakshavar skal betale eit eingongsgebyr for sakshandsaming ved søknad om godkjenning av tiltaksplan. Gebyret kan differensierast i tiltaksklassar ut i frå kompleksitet. Kommunen avgjer tiltaksklassen i kvar sak.

§ 2-3. Årsgebyr

Eigar av eigedom som er registrert i fagsystemet Grunnforurensning skal betale eit årleg gebyr for tilsyn med grunnen. Gebyret kan differensierast ut i frå areal.

[Kap. 3. Gebyr for sakshandsaming og tilsyn med utslepp av sanitært avløpsvatn frå bustader, hytter og liknande](#)

§ 3-1. Verkeområde

Kapittelet gjeld gebyr for kommunen si sakshandsaming og tilsyn med utslepp av sanitært avløpsvatn frå bustader, hytter og liknande.

§ 3-2. Eingongsgebyr

Tiltakshavar skal betale eit eingongsgebyr for sakshandsaming ved søknad om løyve til utslepp eller endring av utsleppsløyve. Gebyret kan differensierast etter storleik på anlegget.

§ 3-3. Årsgebyr

Eigar av avløpsanlegget skal betale eit årleg gebyr for tilsyn med eksisterande avløpsanlegg. Gebyret kan differensierast etter storleik på anlegget.

Kap. 4. Gebyr for saksbehandling og tilsyn med utslepp av kommunalt avløpsvatn frå mindre tettbygde område

§ 4-1. Verkeområde

Kapittelet gjeld gebyr for kommunen si sakshandsaming og tilsyn med utslepp av kommunalt avløpsvatn frå mindre tettbygde område.

§ 4-2. Eingongsgebyr

Tiltakshavar skal betale eit eingongsgebyr for sakshandsaming ved søknad om løyve til utslepp eller endring av utsleppsløyve. Gebyret kan differensierast etter storleik på anlegget.

§ 4-3. Årsgebyr

Eigar av avløpsanlegget skal betale eit årleg gebyr for tilsyn med eksisterande avløpsanlegg. Gebyret kan differensierast etter storleik på anlegget.

Kap. 5. Gebyr for sakshandsaming og tilsyn med utslepp av oljehaldig avløpsvatn

§ 5-1. Verkeområde

Kapittelet gjeld gebyr for kommunen si sakshandsaming og tilsyn med utslepp av oljehaldig avløpsvatn frå;

- bensinstasjonar
- vaskehallar for køyretøy
- motorverkstader
- bussterminalar
- verkstader og klargjeringssentralar for køyretøy, anleggsmaskinar og skinnegåande materialar, og anlegg for understellsbehandling som anten har vaskeplass, servicehall eller liknande

Gebyr for sakshandsaming og tilsyn med påslepp til kommunalt avløpsnett er ikkje omfatta av denne forskrifta.

§ 5-2. Eingongsgebyr

Tiltakshavar skal betale eit eingongsgebyr for sakshandsaming ved søknad om løyve til utslepp av oljehaldig avløpsvatn. Gebyret kan differensierast etter storleik på anlegget.

§ 5-3. Årsgebyr

Eigar av oljeutskiljar skal betale eit årleg gebyr for tilsyn med anlegget. Gebyret kan differensierast etter storleik på anlegget.

Kap. 6. Gebyr for kontrolltiltak etter forureiningslova

§ 6-1. Verkeområde

Kapittelet gjeld gebyr for kontrolltiltak som kommunen gjennomfører for å sikre at forureiningslova §7, §28, §35 og §37 eller vedtak i medhald av desse paragrafane blir følgd.

§ 6-2. Eingongsgebyr

Tiltakshavar skal betale eit eingongsgebyr for kommunen sine kostnader med kontroll og sakshandsaming. Gebyret reknast ut etter medgått tid og timesats fastsett i kommunen sitt gebyrregulativ.

Kap. 7. Ikraftsetting

§ 7-1. Ikraftsetting

Forskrifta tek til å gjelde frå vedtaksdato.